



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-375-4/22**
Datum: **07.09.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «BROVIS» d.d. Visoko, za izdavanje vodne dozvole za ispuštanje tehnoloških otpadnih voda i aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u toku rada Farme kokošaka za proizvodnju jaja za rasplod izgrađene u naselju Dobrinje, grad Visoko, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu «BROVIS» d.d. Visoko za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada Farme kokošaka za proizvodnju jaja za rasplod izgrađene na zemljištu označenom kao k.č. 253, 254, 255, 256, 257, 258, 259/1, 259/2 K.O. Mokronoge, općina Visoko.
2. Vodna dozvola se daje na osnovu pregleda dostavljene investiciono tehničke dokumentacije te utvrđenog činjeničnog stanja i pod sljedećim uslovima:
 - 2.1. Da korisnik poslovnog kompleksa, za vrijeme trajanja ove dozvole, obezbjeđuje da se sve tehnološke otpadne vode nastale pranjem objekta nakon svakog završenog ciklusa sakupljaju i odvoze do višekomornog taložnika a nakon taloženja ispuštaju u rijeku Bosnu.
 - 2.2. Čišćenje i pražnjenje višekomornog taložnika, može vršiti isključivo firma ovlaštena za tu vrstu djelatnosti, prema posebnom ugovoru
 - 2.3. Da se objekti čija je svrha odvođenje i prečišćavanje onečišćenih tehnoloških otpadnih voda, redovno održavaju i koriste na način koji će obezbijediti njihovu potpunu ispravnost i funkcionalnost.
 - 2.4. Vlasnik odnosno korisnik objekata je obavezan da uredno vodi evidenciju o čišćenju i dezinfekciji objekata farme, održavanju i čišćenju kanalizacije unutar i van objekata, te odvozu animalnog otpada i đubriva.
 - 2.5. Vlasnik odnosno korisnik objekata je dužan da eventualno uginule kokoške zbrinjava na bezbjedan način do njihovog transporta ili predaje pravnom licu za odvoz i neškodljivo uništavanje u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla te o njihovom uništavanju. Da se uginule kokoške sakupljaju u kontejner sa poklopcem i svakodnevno odvoze na mjesto odobreno od strane veterinarske službe, uz obavezno vođenje evidencije.
 - 2.6. Da se prostirka i đubrivo nakon čišćenja objekata privremeno odlažu u vodonepropusnu lagunu, a nakon zrenja odvoze na poljoprivredne površine.
 - 2.7. Da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.8. Da se nastali čvrsti opasni i neopasni otpad redovno prikuplja, privremeno propisno skladišti i redovno odvozi na krajnje zbrinjavanje od strane nadležne organizacije.

- 2.9. Da se vrši redovno održavanje svih ispusta, dijela obala i korita rijeke Bosne kao i pristupa mjestima na kojima se nalaze ispusti otpadnih voda iz predmetnog kompleksa.
- 2.10. Korisnik objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.11. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje IV – Utvrđivanje (izračunavanje) broja ekvivalentnih stanovnika te prema urađenom elaboratu u cjelosti i u propisanim rokovima izvršiti obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U ovoj upravnoj stvari plaćene su sve upravne pristojbe.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godine od dana pravosnažnosti ovog rješenja.
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Dana 25.07.2022. godine, pravno lice «BROVIS» d.d. Visoko podnijelo je zahtjev za izdavanje vodne dozvole za ispuštanje tehnoloških otpadnih voda i aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u toku rada Farne kokošaka za proizvodnju jaja za rasplod izgrađene u naselju Dobrinje, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra, broj: 043-0-RegZ-21-002530 izdatog 21.09.2022. godine od strane Općinskog suda u Zenici,
- Ovjerena kopija Uvjerenja o poreznoj registraciji, izdatog 16.12.2002.godine od strane Porezne uprave – Kantonalni ured Zenica,
- Kopija Rješenja o vodnoj dozvoli, broj: UP-I/25-3-40-294-6/17 izdatog 04.08.2017. godine od strane ove Agencije,
- Kopija Rješenja o okolinskoj dozvoli, broj: UP-I 05/02-02-19-5-48/20 izdatog 21.04.2020. godine od strane Federalnog ministarstva okoliša i turizma,
- Kopija Rješenja o legalizaciji bespravno izgrađenih objekata, broj: 12-23-6586/10 izdatog 20.01.2012.. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Izvještaj o monitoringu kvaliteta i kvantiteta otpadnih voda objekta farme za uzgoj matičnih jaja «Brovis» Visoko, broj: 612/22, urađen aprila 2022. godine od strane «Inspekt-RGH» d.o.o. Sarajevo,
- Izvještaj o rezultatima ispitivanja tereta zagađenja otpadnih voda objekta farme za uzgoj matičnih jaja «Brovis» Visoko, izraženog preko EBS-a, broj: 612/22, urađen aprila 2022. godine od strane «Inspekt-RGH» d.o.o. Sarajevo,
- Kopija Ugovora o čišćenju septika i zbrinjavanju otpada, broj: 2098/21-DS sklopljenog 25.09.2021. godine sa «Delta petrol» d.o.o. Kakanj,
- Kopija uplatnice administrativne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog lokaliteta u naselju Dobrinje u Visokom i tom prilikom sačinjen je zapisnik o uviđaju broj: UP-1/21-3-40-375-3/22 od 06.09.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Kompleks objekata farme kokošaka za proizvodnju jaja za rasplod lociran je uz regionalni put Visoko – Kakanj u naselju Dobrinje. Kompleks se sastoji od ukupno 28 objekata i to 16 objekata za odgoj (pilići do faze nosilica) i 12 objekata za proizvodnju (nosilice). Ukupan kapacitet objekata je 93.000 jedinki.

Đubrivo izdvojeno mehaničkim čišćenjem objekata privremeno se odlaže u betonsku lagunu a nakon sazrijevanja odvozi na vlastite poljoprivredne površine.

Tehnološke otpadne vode nastale pranjem i čišćenjem objekata nakon svakog ciklusa, prikupljaju se i odvođe posebnom kanalizacijom do višekomornog taložnika ta nakon taloženja ispuštaju u rijeku Bosnu.

Taložnici se po potrebi čiste od strane ovlaštenog lica.

Redovno se vrši monitoring prečišćenih otpadnih voda prije ispusta u oborinski kolektor. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Redovno se, od strane ovlaštene laboratorije, vrši ispitivanje tereta zagađenja otpadnih voda farme, izraženog preko EBS-a. Prema Izvještaju iz oktobra 2020. godine utvrđen je ukupni teret zagađenja otpadnih voda od 133,4 ES.

Na osnovu očitovanja Službe za prikupljanje prihoda od vodnih naknada, konstatovano je da je podnosilac zahtjeva «BROVIS» d.d. Visoko redovno izmiruje svoje obaveze po osnovu posebnih vodnih naknada.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačke n) i o) i člana 13. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12., 31. i 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «BROVIS» d.d. Visoko ispunio minimum uslova za izdavanje vodne dozvole za ispuštanje tehnoloških otpadnih voda i aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u toku rada Farme kokošaka za proizvodnju jaja za rasplod izgrađene u naselju Dobrinje, grad Visoko, te je riješeno kao u dispozitivu ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-375-2/22 od 18.08.2022. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

za Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- «BROVIS» d.d. Visoko
Dobrinje bb, 71305 Donje Moštre, Visoko
- AVP Sava, ISV-vodna knjiga
- sektor 50
- ⊖ sektor 40 – arhiva
- oglasna ploča – AVP Sava